

Askim: Long dispela ol ves –Wanem samting yumi mas mekim, na wanem Samting bai kamap long yumi?

“Tasol long ol husat **I KISIM EM** long ol dispela God i givim Namba long Kamap **PIKININI BILONG GOD.**”

Jon. 1:12


“Long wanem husat i **SINGAUT** long Nem bilong Bikpela – bai **GOD I KISIM BEK OL.**”

Rom. 10:13

“Husat igat **PIKININI MAN BILONG GOD** – em igat **LAIP** na husat **INOGAT PIKININI MAN BILONG GOD** em **nogat LAIP.**

...Yu nap **SAVE** olsem yu gat **LAIP ISTAP GUT OLTAIM.**”

1Jon 5:12, 13



Jisas i tok,
 “Mi tok tru long yupela,
 Man i harim tok bilong Mi na
 bilip long em husat i salim mi,
 em igat laip istap gut oltaim,
 na ino gat kot tasol em abrusim
 Dai na Kisim Laip.”

Jon. 5:24

Yu yet mas makim long kisim Presen bilong LAIP ISTAP GUT OLTAIM NAU – long KISIM JISAS KRAIS olsem PEIMAN, tokim God Olsem:

- GOD igat olgeta strong - mi bin mekim sin long yu long tingting, long toktok, long Pasin. Mi sori tru long ol dispela Pasin na mi laik Jisas Kraiss i lusim olgeta sin bilong mi.
- Nau mi kisim yu Bikpela Jisas Kraiss olsem Peiman na God bilong mi na nau mi askim yu Bikpela Jisas long
 - Kisim bek mi long sin bilong mi na Ples Paia,
 - Kisim mi igo long heaven taim mi dai,
 - Givim mi presen bilong Laip istap gut Oltaim nau.
- Mi nau opim dua bilong bel bilong mi na laip bilong mi long yu Bikpela Jisas long kam insait na kamap Peiman na Fren na GOD bilong mi, Oltaim Oltaim long nem bilong Jisas – Amen.


Sainim Nem: Deit:.....

Na Jisas itok olsem: "Na givim ol laip istap gut oltaim oltaim. Na ino gat wanpela taim bai ol kisim bagarap ken." **Jon 10:28.**

1. Yu bin askim Jisas Kraiss long kisim bek yu long sin bilong yu? Yu bin tru tru askim em?
2. Long Rom. 10:13 – God itok wanem long yu nau? 3. God I kisim bek yu long wanem samting?
4. Sapos yu dai nau – yu bai go we? Bilong wanem?
5. Nau yu tanim bel kisim Kraiss pinis long laip bilong yu – yu ting olsem yu nap lusim gen laip istap gut oltaim? See Jon 10:28. Wanem minin bilong “Na ino gat wanpela taim bai ol kisim bagarap ken.”
6. Olsem wanem yu inap save gut moa long God? Stadi long Buk Baibel olgeta dei. (1Pita 2:2); Tok bilong God long Prea; Igo long lotu we ol autim tok stret long Buk Baibel. (Heb. 10:24,25); Tokim arapela lain olsem wanem Kraiss inap kisim bek ol; Kisim wara Baptais (Aposel 10:47, 48); Tokim sampela lain olsem God i kisim bek yu pinis. (Rom. 10:9) Bihainim laik bilong Bikpela Kraiss. Sapos yu bin kisim Jisas Kraiss olsem Peiman bilong yu, plis rait ikam long **Pastor Saka**, Tent City Independent Baptist Church, PO Box 277, LAE 411 Morobe Province Ph 686 4598 www.answersbook.org Olsem na mipela ken salim liklik buk bilong helpim yu save gut moa long Jisas Kraiss

STOP!

na tingting gen bai yu istap wee oltaim oltaim?



PRESEN BILONG GOD EM LAIP ISTAP GUT OLTAIM OLTAIM!

YU KISIM O NOGAT?

Jisas Kraiss itok “Olgeta man i mekim hat wok na karim bekpela hevi, yupela i mas **ikam long mi na bai mi givim yupela malolo**” Matyu 11:28


“Nau Bikpela istap klostu long yupela na i **wetim** yupela, olsem na **nau** em i taim bilong yupela i mas **beten** long em na **igo klostu** long em. Ol manmeri bilong mekim ol pasin nogut mas LUSIM ol pasin nogut bilong ol na ol inoken tingting moa long mekim ol dispela Pasin. Na ol imas **kam bek** long God, Bikpela bilong yumi. Em save **marimari moa yet** long ol manmeri ikam bek long em, na em I save **lusim sin** bilong olgeta dispela lain” Aisaias 55:6,7.

OLSEM WANEM: Yumi inap SAVE TRU long rot bilong kisim LAIP ISTAP GUT OLTAIM OLTAIM? Yumi mas SAVE long fopela samting:


1. OLGETA BIN MEKIM SIN

“Long wanem, OLGETA MANMERI IBIN MEKIM SIN na ol i kamap sot long mak bilong Glori bilong God.” Rom. 3:23


Sin em:



Mi yet kamap Nambawan



Stap long wei long God



Kam sot tru long mak bilong God

1. Nogat ol narapela God
2. Nogat ol piksa bilong wei abus.
3. Noken kolim nating nating nem bilong God
4. Lukautim Sabat dei long istap holi.
5. Givim biknem long ol papa na mama bilong yu.

6. Noken kilim
7. Noken mekim pasin pamuk
8. Noken stil
9. Noken sutim tok giaman long narapela.
10. Noken mangal long samting bilong ol narapela.

Sin emi pasin bilong sakim lo bilong God

- Yumi olgeta istap SIN MAN MERI na ino nap long PASIN HOLI bilong GOD.
- ASKIM 1: Yu laikim bai GOD bilong Baibel I Kamap GOD bilong yu?
- ASKIM 2: Yu laikim LUSIM SIN pasin na KAM long GOD? (Tanim bel)

2. PEI BILONG SIN EM DAI

“Long wanem pei bilong sin emi DAI, tasol PRESEN nating bilong GOD em LAIP ISTAP GUT OLTAIM – OLTAIM, na dispela ikam long wok bilong Jisas Krai Bikpela bilong yumi.” Rom. 6:23

“Na em i tromoi DAI wantaim HEL igo long Bikpela HUL IGAT PAIA. Dispela em i NAMBA TU IDAI.”

Rev. 20:14.

As bilong dispela: Long wanem yumi olgeta manmeri ibin mekim sin, Lo bilong GOD itok olsem, yumi olgeta igo long ROT bilong DAI na PLES PAIA.

Dispela ino gutpela nius. Yu na mi bai ino nap laikim tru long go Long ples paia. Igat wanpela rot bilong tasol abrusim ples paia? Yes!

God i givim yumi NATING laip ISTAP GUT OLTAIM OLSEM PRESENT yumi kisim long Jisas Krai, ino long ol GUTPELA WOK or long wanpela lotu.




“Long wanem, long marimari, em ibin KISIM BEK yupela pinis long BILIP TRU. Na dispela em ino samting yupela yet ibin mekim, nogat GOD i givim nating long yupela”. Dispela INO KAMAP LONG OL WOK bilong yumi, wanpela man iken Litimapim nem bilong em yet. Efeses: 2:8,9. Presen em samting, FRI TRU – yu kisim nating o bai yu lusim. As bilong kisim Laip istap gut oltaim em olsem, sapos yu SAVE LONG GOD long laip bilong yu nau na save olsem yu bai go long HEVEN yu dai. Olsem na LO bilong God itok, yumi inap igo long Ples Paia. Tasol long SORI BILONG GOD em laik yumi go long heven. Luksave olsem, God inap LUSIM SIN na GIVIM LAIP ISTAP GUT OLTAIM OLTAIM.



3. JISAS KISIM OLGETA PEIN LONG SIN BILONG YUMI

“Tasol God i soim, em laikim yumi tru olsem long taim yumi stap sinman yet, KRAIS BIN IDAI LONG YUMI.” Rom. 5:8

Jisas man bilong KISIM BEK OLGETA MANMERI. -- em istap REDI nau long KISIM BEK YU.



Belsori bilong God

LUKIM: God i kisim olgeta sin bilong yumi – long bipo – nau na bilong bihain na PUTIM ANTAP long KRAIS.

“Yumi olgeta ibin tanim na bihainim ol rot bilong yumi yet; na BIKPELA yet putim olgeta sin bilong yumi antap long em (Jisas Krai).” Isaiah 53:6



Lo bilong God

Long olgeta sin bilong yumi, Bikpela Jisas ibin karim pein antap long Diwai kros, wea yu na mi inap long kisim pein long paea isave lait oltaim oltaim long raun wara I gat paia. “Em (Jisas) ibin kisim planti pein long bodi bilong em, bilong wanem yumi sakim tok bilong God, na Em itu kapsaitim planti blud tu long olgeta sin bilong yumi.” Isaiah 53:5

Krais nau istap PEIMAN bilong OLGETA manmeri.

DUA bilong heven emi nau op long OLGETA manmeri long igo insait. Tasol OLSEM WANEM bai yu igo insait long heven tu? Long ol Husait:



4. (a) BILIP OLSEM JISAS KRAIS

- Emi GOD Na Pikinini MAN Bilong GOD
- DAI long PLES Bilong Yumi
- KIRAP BEK GEN long DAI WANTAIM BODI

(b) KISIM JISAS KRAIS OLSEM PEIMAN

Long ol, GOD I LUSIM SIN na givim ol LAIP ISTAP GUT OLTAIM na nau IFRI.

Long wanem yu nau bilip long blud bilong Jisas Krai i kapsait antap long diwai kros long baim olgeta sin bilong yu. Bilip long Krais wanpela tasol long kisim bek na ino long gutpela wok o long wanpela lotu.



Yumi ken SAVE TRU long ol dispela Promis bilong God long Baibel na bilip long em: